



Zajednička komisija za nadzor nad radom  
Obavještajno-sigurnosne agencije Bosne i Hercegovine  
Zajedničko povjerenstvo za nadzor nad radom  
Obavještajno-sigurnosne agencije Bosne i Hercegovine

Заједничка комисија за надзор над радом  
Обавјештајно-безбједносне агенције Босне и Херцеговине

Broj: 03/2-50-1-8-16/09  
Sarajevo, 17. 03. 2009. godine

## **IZVJEŠTAJ**

### **o sa sastanka s komandantom Štaba NATO-a u Sarajevu**

U prostorijama Zajedničke sigurnosno-obavještajne komisije za nadzor nad radom OSABiH, 2. 2. 2009., održan je sastanak sa Sabatom Erikom, komandantom Štaba NATO-a u BiH.

U ime Komisije, sastanku su prisustvovali:

1. Mirko Okolić, predsjedavajući
2. Šemsudin Mehmedović, drugi zamjenik predsjedavajućeg
3. Sadka Đonko, sekretar
4. Sajda Dizdarević, stručni saradnik

U ime Štaba Nato-a, sastanku su prisustvovali:

1. Eriko Sabato, komandant Štaba NATO-a
2. Leila Dizdarević, politički savjetnik
3. Rohan Maxwell, vojno-politički savjetnik komandanta Štaba NATO-a.

Predsjedavajući Mirko Okolić zaželio je dobrodošlicu i zahvalio se komandantu Štaba NATO-a za ovu posjetu Komisiji.

Informirao je prisutne o dosadašnjem radu, nadležnostima i daljnjim aktivnostima Komisije utvrđenim njenim Planom rada za 2009. godinu.

Istakao je da saradnja s NATO-om može unaprijediti sigurnost ne samo u BiH nego i u regionu. Informirao je da su oba doma Parlamentarne skupštine BiH jednoglasno usvojila Zakon o izmjenama i dopunama Zakona o Obavještajno-sigurnosnoj agenciji BiH i Zakon o izmjenama i dopunama Zakona o zaštiti tajnih podataka. S tim u vezi u izradi ovih zakona učestvovali su i predstavnici NATO-a. Zadatak Komisije je praćenje ispunjavanja obaveza iz ova dva zakona. Upoznao je komandanta o organiziranju Konferencije parlamentarnih tijela za nadzor nad radom obavještajnih službi u zemljama Jugoistočne Evrope koja će biti održana u Sarajevu u organizaciji Komisije. Zatražio je pomoć NATO-a u vezi s tim. Također je upoznao da je Komisija Planom rada predvidjela posjetu George Marshall Centru i za njenu realizaciji zatražio njihovu pomoć.

Komandant Štaba NATO-a naglasio je važnost rada ove komisije, ističući da je Štab NATO-a u mogućnosti pružiti pomoć i unutar granica BiH i na regionalnom planu. Oblast koju pokriva Komisija veoma je značajna za NATO. Napredak vašeg rada mjerit će se usklađivanjem domaćeg zakonodavstva s evropskim zakonodavstvom.

Sigurnost nije dovoljno posmatrati samo u okviru jedne zemlje, jer u modernom okruženju jedinstven pristup postaje ključan, istakao je Sabato.

Što se tiče održavanja Konferencije, izrazio je spremnost da pomogne u realizaciji njenog održavanja i s tim u vezi i pomoć osoblja NATO-a.

**Predsjedavajući Komisije  
mr. Mirko Okolić**